

雷波廳志卷之五

山川志

百里雷封山川交會遠岫列屏大江如帶嶽嶽龍頭
直達天外螳螂舊溪時鳴細瀨一經一緯界制諸夷
絕彼憑渡斷彼飛馳屏藩有賴鎖納攸宜自茲奠定

萬億爲期志山川第五

錦屏山

在城北五里奇峯秀麗積翠流霞

八仙山

在城東五里山勢相連峯巒秀麗

鳳尾山

在城東五里

雷波廳志

卷之五

山川

一

虎帳山

在城北五里

寶燾山

在城西二里又名大旗山

天寶山

在城西二里界連烏角

龍頭山

在城西一百二十餘里舊有鉛廠每年納課
解庫

石城山

在城西三十里層峯聳翠石壁堅如城壘

咩咩山

在城西四十里一作密密山

小涼山

在城東六十里箐口對山

元寶山

在黑角銀廠溝界

五寶山

在黑角銀廠溝界

雷番山 在城北明統志在馬湖府城北二百八十里
隋史萬歲征西南夷過此嘗書雷番山三字
鑄於石壁字迹猶存山中草有毒經過牲畜必籠其
口行人亦必緘默若或高聲雖冬月必有雷霆之應
按省志於雷波山內亦載此條今徧訪廳人罕能知
其處所唯傳黃茅岡山脚行人經過不敢高聲否則
雷雨驟至萬歲所經或卽是此然地在夷巢人迹罕
至未知果有雷番山三字否也

貝海山 在黃螂城西山形如黛秀峯蔚起

文廟山 在黃螂

左家山 在黃螂

游家山 在黃螂

雞迹山 在黃螂南鄉祛裡密地

雷波廳志

卷之五

山川

二

阿霧山 在黃螂南鄉祛裡密地距雞迹山三十五里

角鹿山 在黃螂四十里距雞迹山十里

磨沱姑山 在黃螂城南距阿霧山四十里

必么姑山 在黃螂城南那古埧地

補加山 在黃螂城南馬夷坡地距必么姑山十五里

阿揭波霧山 在黃螂城東坡坡落地距補加山十五里

官七山 在黃螂東鄉穀米山地距阿揭波霧山二十里

安爪落山 在黃螂東鄉狎子埧地距官七山十五里

挖噶山 在黃螂東鄉舒家坡地距安爪落山二十里

特普山 在黃螂北鄉大漢漕地距挖噶山八里

濯居那撻山 在黃螂北鄉金竹坪地距特普山十里

黎壇波山 在黃螂北鄉鹿角岔距濯居那撻山十里

撻把山 在黃螂北鄉大崖洞距黎壇波山十五里

白崖頂山 在天姑密地

天馬山 在天姑密地

觀斗山 在天姑密地

大寶鼎山 距城八十里為東北諸山之主山最高約

行一日程乃能至其頂晴霽則黃螂海腦壩東林鄉各處皆見之形圓如鼎故名產銅鐵鑛乾嘉中分水嶺東林鄉各處採辦銅鐵廠均報大寶鼎

雷波廳志

卷之五

山川

三

實則同此一山也

玉帶山 在祛裡密地

龍鳳山 在牛吃水地兩山朝拱形如龍鳳

厚山 在中山坪地山半瀑布飛懸嵐光縹渺

轎頂山 在牛吃水地山頂有石如鍋鄉人禱雨輒應

周家山 在牛吃水地產鐵礦

寒婆嶺 在城西一百八十里

象鼻嶺 在城西南

分水嶺 在城東六十里由箐口而上煙霧迷天夏月少晴多雨冬更積雪結冰不解

呈祥崖 在城北十里龍洞泉所出

觀音崖

其崖有二一在城北五里依後山一在城北三里龍洞泉水溝之上

燕子崖

在城南二十里

獅子崖

在城南十五里烏角汛地其形如獅

梯子崖

在城南六十里

高崖

在海腦堤後山

徐家崖

在海腦堤與高崖聯接

白崖

在東林鄉地

核桃坪

在城東四十里

雷波廳志

卷之五

山川

四

李子坪

在城東八十里

向陽坪

在城北三十里

中山坪

在東林鄉地

安站坪

在黑角汛地

嘉魚坪

在中山坪地有穴出嘉魚味鮮美值春初取之土人又謂之桃花魚

黃毛岡

在城西一百二十里山勢不斷與龍頭山相接行人過此弗敢出聲否則雷雨驟至

梅子岡

在城西

杉子岡

在城東八十里

騎龍岡

在城東二百里

小谷堆

大谷堆

俱在城西涼山地界歸土司管轄

雷神洞

在城東三里怪石呈奇幽深曲折實天生異境也

天寶洞

在城東南十五里崖水下滴日夜不絕若遇夷氛鄉人避難於此可容百餘人

天仙洞

在城西十五里相傳陳真人修煉於此

大崖洞

在城東一百八十里交屏山界

馬湖江

即金沙江在廳南十里省志源出沈黎大渡之支流即若水下流也一名瀘水一名金沙江諸葛武侯五月渡瀘即此江之上流也酈注若水自大作合繩水亦通謂之繩水又逕越嵩馬湖縣謂之馬湖江又云若水至焚道縣謂之馬湖江康熙六十年奉

雷波廳志

卷之五

山川

五

上諭有云

金沙江之源自達賴喇嘛東北烏捏烏蘇流出譯言乳牛山也其水名烏魯烏蘇東南流入喀木地又東南流逕中甸入雲南塔城關名金沙江至麗江府亦名麗江至永北府合打沖河東流經武定府入四川界至敘州府合岷江按諸說金沙江源出徼外合流不一故隨地異名繩水瀘水大渡水皆隨決入而納之通稱是以諸書錄記羣水或言入若或言注繩咸至焚道入江實則異水沿注同為一源既入廳界洗馬河注之又東流秦沙河注之又東南流鄧溪水注之入屏山縣界西甯河注之至敘州乃合岷江西蘇角河源出蠻界經流小馬頸子入金沙江

臭水河

由西昌縣界流出至獐子村地入金沙江河上有宜波橋離獐子村百里為宜遠雷波交界處

大溜筒河

抵西昌縣界由涼山夷地流出至獐子村東界入金沙江

秦沙河

在廳西南十五里流合金沙江靜聽之水石相撞聲如奏樂

普阿姑小河

一名夷車河土司所管地方東界由大

村大溜筒河

涼山之夷格脚發源直流至廳屬狝子

夷支羅小河

由海棠流出至沙馬界入夷車河西界

西甯河

源出竹耳窩由濫填子流出過西甯汛至屏

豆沙溪

山石角汛入金沙江又名什葛溪

芭蕉溪

在城東一百四十里入馬湖江

羅三溪

在城北一百四十里即石角溪上流

洗馬溪

抵西昌縣界至狝子村入金沙江

螳螂溪

在城東五十里源出箐口汛北山入羅三溪

雷波廳志

卷之五

山川

六

那里溝

在城東六里

皮羅溝

在黑角汛

銀廠溝

在黑角汛

乍溝

在城北五十里有貼防汛

額窄溝

在海腦埧地內

小溝

在涼山內道最險遠庚寅年逆夷風簸魚姑竄

參將謝金誥等攻克之